



POZIV STUDENTIMA ZA PRIJAVU RADOVA

Manifestacija obilježavanja Svjetskog dana poduzetništva u BiH Tuzla, petak 13.april 2012. godine

Svjetski dan poduzetništva (World Entrepreneurship Day - WED) se obilježava svake godine, drugog petka u mjesecu aprilu i predstavlja 24-satnu proslavu poduzetništva i inovacija. Putem lokalnih i globalnih kampanja, događaja i programa, WED ima za cilj podsjetiti cijeli svijet da su poduzetnici ti koji konstantno vode ekonomije prema prosperitetu i rastu, putem inovacija i stvaranja novih radnih mjesta.

Centar za razvoj poduzetništva Tuzla od 2009. godine obilježava Svjetski dan poduzetništva u Bosni i Hercegovini prigodnom manifestacijom. Cilj je, na ovaj izuzetno značajan datum, okupiti relevantne aktere iz oblasti poduzetništva u Bosni i Hercegovini, te uvažene goste iz susjednih zemalja kako bi razmijenili iskustva i ustanovili smjernice za dalji razvoj poduzetništva u Bosni i Hercegovini, te naglasili značaj kojeg poduzetništvo ostvaruje u otvaranju novih radnih mjesta i općenito za cjelokupni privredni razvoj zemlje. Na manifestaciji se očekuje učešće predstavnika vladinog, nevladinog i poslovnog sektora, naučnih radnika, profesora, i studenata, kako iz Bosne i Hercegovine tako i iz susjednih zemalja.

U skladu s tim, Centar za razvoj poduzetništva Tuzla poziva **sve studente**, buduće ekonomiste, poduzetnike i menadžere da uzmu aktivno učešće na manifestaciji obilježavanja Svjetskog dana poduzetništva u Bosni i Hercegovini, koja će se održati u **petak 13.aprila 2012. godine u Velikoj Sali Kantonalne privredne komore Tuzla, Bosna i Hercegovina** putem prijave radova na temu „*Perspektive omladinskog poduzetništva u Bosni i Hercegovini*“. Rad mora biti napisan u „times new roman“ TNR, 12pts, te sadržavati minimalno 5, a maksimalno 10 stranica. Rad treba sadržavati UVOD, RAZRADU TEME (teorijska pozadina omladinskog poduzetništva, primjer dobre prakse vezan za temu rada), ZAKLJUČAK I LITERATURU.

Autor/i najboljeg rada će dobiti priliku da **rad prezentuju** pred eminentnim stručnjacima iz oblasti poduzetništva iz različitih dijelova BiH i zemalja okruženja, kao i predstavnicima vlasti i nevladinih organizacija iz dotične oblasti uz **adekvatnu novčanu nagradu**.

Radovi se prijavljuju putem e-maila na office@cerpod-tuzla.org, a krajnji rok za prijavu rada je **ponedjeljak, 02.04.2012.godine**.

Više informacija možete pronaći na web stranici Centra za razvoj poduzetništva Tuzla ili dobiti putem broja telefona 035 258 436.